

Այսպես են դարաբաղցի-
ները կես կատակ նկա-
րագրում ամուսնություն-
ների գրանցման գործընթացը:
Եթե նախկինում ՉԱԳՍ գնալն
աննկարագրելի քաջություն էր
պահանջում երիտասարդ զույ-
գերից, ապա այսօր այն խաղու-



ԳԱԳՍՈՒՄԸ օշերեղ ա



Լուսինե
ՄՈՒՍԱՅԵԼՅԱՆ

պար է դարձել. դարաբաղցիք
«քայրոք յետ որոշալն քինան»
(դարաբաղցիները կեսօրից հե-
տո որոշել են զագս գնալ):
Այս տարվա հունվարի 1-ից մին-
չեւ մարտի 31-ը ներառյալ Ստե-
փանակերտի քաղաքացիական
կացության ակտերի գրանցման
բաժնում գրանցվել է 714

ամուսնություն, ինչը մի քանի
անգամ ավելի է նախորդ տարի-
ների նույն ժամանակահատվա-
ծի համեմատ: Ամուսնություննե-
րի այս աճի բուն «պատճառը»
Ղարաբաղի կառավարության
ընդունած որոշումն է, ըստ որի,
նորապսակներն ամուսնության
վկայականի հետ միասին ստա-
նում են նաեւ միանվագ դրամա-
կան օգնության հավաստագիր,
իսկ օգնության չափը կազմում է
300 հազար դրամ:

ԼՂՀ նախագահական ընտրու-
թյունների քարոզարշավի ըն-
թացքում դեռ նախագահի թեկ-
նածու Բակո Սահակյանն իր
նախընտրական ծրագրում
խոստացավ ընտրվելու դեպ-
քում 2008 թվականից խրախու-
սել նորաստեղծ ընտանիքներին
եւ ցուցաբերել պետական
աջակցություն: Ամուսնացող
երիտասարդները, լսելով այս
խոստումը, նախընտրեցին
իրենց ամուսնությունը գրանցել
2008 թվականի հունվարի 1-ից
հետո: Նույնիսկ մի քանի տարի
առաջ ամուսնացած զույգերը,
որոնք չէին գրանցել ամուսնու-
թյունը, տարեսկզբից շտապե-
ցին ՉԱԳՍ: Ինչի արդյունքում,
ըստ վիճակագրական տվյալնե-
րի՝ 2007-ին ամուսնությունների
թիվը Ղարաբաղում 161-ով պա-
կաս է գրանցվել, քան 2006-ին:
Կարապետյան ամուսինները 4

տարվա համատեղ կյանքից հե-
տո միայն ապրիլի 1-ին են
որոշել ամուսնանալ. «Չէինք էլ
մտածել զագսավորվելու մա-
սին, բայց երբ լսեցինք, որ պաշ-
տոնական գրանցումից հետո
300 հազ. դրամ կստանանք,
ամուսինս որոշեց ՉԱԳՍ շտա-
պել», - պատմում է 32-ամյա Ին-
գան: Ի դեպ՝ ամուսնության մի-
անվագ նպաստ կարող են ստա-
նալ մինչեւ 40 տարեկան ամուս-
նացող զույգերը, որոնք ունեն
ԼՂՀ գրանցում:

Ղարաբաղում 28 տարեկանից
բարձր տղաներին ու աղջիկնե-
րին ամուսնության առումով
անհույս են համարում, ուստի
ձգտում են ամուսնանալ մինչեւ
25 տարեկանը:

«Չնայած մեր հարեւաններն
ինձ արդեն համարում են տանը
մնացած, բայց ես դեռ չեմ շտա-
պում: Տարեցտարի պայմաններ
են ստեղծվում նորաստեղծ զույ-
գերի համար, ինչը ոգետորում է,
բայց ինձ չի գայթակղում», - այս
կարծիքին է 23-ամյա Դիանա
Մեիրաբյանը: Վաղ տարիքում
են ամուսնանում հատկապես
լարաբաղի գյուղերում: «Մեր
գյուղում աղջիկներն ամուսնա-
նում են 17-22 տարեկանում:
Երեւի թե այդ տարիքից բարձր
գյուղում չամուսնացած աղջիկ
չես գտնի կամ էլ հազվագյուտ
կլինեն», - պատմում են Հաղրու-

թի շրջանի Մեծ Թաղեր գյուղի
աղջիկները, որոնք հազիվ 22-23
տարեկան կլինեն, բայց արդեն
2-3-ական երեխա ունեն: Ղարա-
բաղում քիչ չեն այնպիսի զույ-
գերը, որոնք իրենց ամուսնու-
թյունն անընդհատ հետաձգում
են, օրինակ, հարսանիք կազ-
մակերպելու համար բավարար
ֆինանսական միջոցների սղու-
թյան պատճառով: 28-ամյա
ստեփանակերտցի Կարեն Պետ-
րոսյանը, օրինակ, խոստովա-
նում է, որ պլանավորել էր հար-
սանիքից հետո պաշտոնական
գրանցում ստանալ, բայց երբ
«300 հազար դրամի մասին լսել
է, որոշել է հակառակը անել»
ամուսնությունը գրանցել, հետո
հարսանիք անել:

Գուցե կառավարության նոր
ծրագիրը լուրջ օգնություն դառ-
նա երիտասարդ զույգերին եւ
խթան հանդիսանա ամուսնու-
թյունների աճի համար: Լարա-
բաղում ակնկալում են, որ
ամուսնությունների թիվը 2008-
ին բավական գերազանցելու է
նախորդ տարիների ցուցանիշ-
ները:

Ըստ ԼՂՀ 2008 թվականի
պետքույնի, այս ծրագրի հա-
մար նախատեսված է 450 մլն.
դրամ: Սա նշանակում է, որ
2008-ին 1500 նոր ընտանիք կա-
րող է օգտվել 300 հազ. միան-
վագ նպաստից: